



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De lapide fundamenti Christo. tit. 167

urn:nbn:de:hbz:466:1-29452

peccare in conscientiam, qui cōtemnit magistratum
 &cæ. Qui igitur potestati & eorum præceptis resistit,
 hic Deo resistit.

Tertiò, Licet obedientia exigatur humanarum tra-
 ditionum, non tamen illi distribuenda est iustificatio,
 ne quis putet, traditiones esse potissima opera: Nā
 fides, dilectio, timor, pax, &c. & fructus spiritus sancti
 Gal. 5. illis præferuntur. Sunt enim hæc nucleus, alia
 sunt puramina. Possunt quoque hæc tempore neces-
 sitatis omitti, si sine contemptu magistratus fit, &c.
 Sed hæc carnis libertas iam regnat.

DE LAPIDÈ FUNDAMEN-
 ti Christo.

TITVLVS CLXVII.

Propheta Esaias 28. inquit: Ecce ponam
 in fundamētis Sion lapidem probatum
 & electum angularem, &cæ. & 1. Petr. 2.
 Ecce ponam in Sion, lapidem angula-

rem, & omnis qui crediderit in eum, nō
 confundetur. Est igitur Christus lapis fundamenti,
 super quo ædificatio salutis & fidei nostræ quiescit.
 Ipse omnes fideles portat, & nos de plenitudine eius
 omnes recipimus, Ioan. 1. Est quoque lapis vnus, ideo
 non potest euerri ædificatio super eum locata, sicut
 dicit Petro, Matth. 16. Portæ inferorum non præua-
 lebunt, id est, nec peccatum, nec sathan, neque infer-
 nus, neque homo, neque angelus præualebit aduer-
 sus Ecclesiam: impugnabitur quidem Ecclesia, sed
 nemo præualebit, &c.

Secundò, præter hoc fundamentum fidei nostræ,
 id est, Christum, non potest aliud poni, 1. Cor. 3. non
 Papa, non opera aut iustitia nostra. Ipse Christus so-
 lus est caput fidei ecclesiæ, nosq; membra eius, 1. Cor.
 12. Si enim ex lege esset iustitia, Christus gratis venis-
 set, Gal. 2. Fundamentum igitur & caput fidei nostræ

CCC 2 atque

atque salutis, solus Christus est, super illo stat Ecclesia, & supra illum edificatur fide Ecclesia. Omnes ergo qui credunt in illum per hanc fidem, superaedificantur supra illum &c.

Tertiò, hoc quoq; est notandum, scilicet, qualiter quis ædificet supra hoc fundamentum, sicut admonet Apostolus 1. Cor. 3. vt quisq; videat quomodo superædificet: nam aliqui superædificant aurum, argentum, lapides preciosos: aliqui lignum, scænum, stipulam: aliqui ferrum, æs, plumbum. Et sic sunt tria genera hominum superædificantium super hunc lapidem Christum. Primum, qui superædificant aurum, id est, puram & viam fidem, credentes in illum, & tales non confundentur, Esai. 28. Aliqui argentum, id est, constantem confessionem Christi, coram regibus & principibus mundi, sicut fecerunt S. Apostoli, Prophetæ, atq; Martyres. Rom. 10. Corde creditur adiustitiam, confessio autem oris fit ad salutem. Tertiò, aliqui lapides preciosos, id est, obedientiam præceptorum Dei, Matt. 7. Qui audit verba mea, & facit ea, similis est viro, qui ædificat domum &c. Tales igitur superædificatores, sunt sancti & perfecti Dei.

Alterum genus superædificat stipulam, scænum, lignum: & isti sunt pigri Christiani, qui orant, dant elemosynam, ieiunant, vt videantur ab hominibus, Matt. 6. prædicant propter quæstum, negligenter orant, &c. qui minuta peccata, id est, venialia faciunt, & illi licet negligentes sint, attamen quia lapidi, id est, Christo inhiærent, quem docent & venerantur, licet negligenter, &c. ideo purgantur vel hîc per tribulationem, aut orationem, aut elemosynâ, aut in futuro, in Purgatorio, vt dicit Augustinus 41. de sanctis. Illi salutem, inquit Apostolus 1. Corint. 3. sic tamen quasi per ignem, id est, Purgatorium, aut hîc, aut in futuro.

Tertium genus superædificat ferrum, æs, plumbum. Hæc non consumit de facili ignis, sicut lignum, scænum, &c.

am, & stipulam: & sunt, qui confitentur fidem, Tit. & tamen pessimis peccatis carnis sese maculant, fornicatione, inuidia, auaritia, secta &c. Gala. 3. 1. Cor. 6. Ephe. 5. Tales non purgabuntur à talibus vitijs, si in illis sine poenitentia mortui fuerint, sed æterno igni referuantur. Nam tales regnum Dei non possidebunt. Videat ergo quisque, qualis sit sua superædificatio supra hunc lapidem Christum, &c.

OPERA BONA AN SINT
causa effectiua salutis & iustitiæ.
TITVLVS CLXVIII.



Rimò, totus carnaliũ clamor in catholicos est, quia doceant, quòd bona opera sint effectiuè sua dignitate, & virtute propria necessaria, & promereri iustitiam, remissionè peccatorum, & vitam æternã, iuxta illud Matth. 19. Si vis ad vitam ingredi, serua mandata. Et quasi sic omnia opera, cæremonias, cultus, ac religiones statuunt ad merendam vitam æternam: si reum est, Christus gratis mortuus est, Gala. 2.

Secundò, vnanimis omnium catholicorum doctrina est, & ab initio talis fuit sententia de operibus, quæ tam vilia ea æstimãrunt, vt docuerint, quòd nihil habent, nisi quod eis Deus gratuito ex gratia donat & promittit, id est, ex se & propria dignitate & virtute nihil habere, nullum meritum: quia etiam omnibus factis, adhuc sumus serui inutiles, vt dicit Christus Luc. 17. sunt immunda, & indigent purificatione, Actor. 15. Fide purificans corda. Sunt imperfecta, quia non ex toto corde, tota anima, ex omnibus visceribus fiunt: reclamationem enim natura, quæ est deprauata peccato, Matth. 22. Romanor. quinto, in quo omnes